

**Gom-koεεga sēn yaa wa sānem, sēn
vēnegd Tūudum sor ning sēn boond
tɪ (Moeemdā) sōmblemā**

MOORE



**Seb-gundā yaa Bāng-kasēnga a
Abdu Rahmaan bin Naasɪr Asɪ'dɪ.**

d kota Wēnd t'A yols-a



**Sēn lebg-b sebrā ne Moorā : A Bōnkūngu
Umaru ne a Soore Nuuh**

**Guls-rəmsdbā : A Bagyā Abdul waahid ne a
Wedraogo Huseeni**

الدرة المختصرة في محاسن الدين الإسلامي



تأليف الشيخ:

عبد الرحمن بن ناصر السعدي رحمه الله



ترجمة: بونكونغو عمر و صوري نوح

مراجعة: بغيا عبد الواحد و ويدراوغو حسين.

**D baooda bark ne Wënd yuburā, Sēn yaa Gubg-n-yols
Naabā, n leb n yaa Welg-n-yols Naabā.**

Pēgr be ne Wēnde, d pēgd-A lame, la d kot-A sōngre, la d kot-A d yel-wēn yaafgo, la d lebsd-d mēns A nēgē, n baood tuubgu, la d kot-A gūudem n yi d yōyā wēngre, la d tum- wēnsā. Ad Wënd sēn kānd a soaba, ned pa tōe n menems-a ye, la A sēn mēnems a soaba, pēgd buud fāa pa be ne- ye. La m maanda kaseto ti soab sēn yaa sid pa be be, rēnda Wēnde, Wēnnaam yaa A yembre, A pa tar lamg-n-taag ye, la a Mohammad me yaa A yamba la A tēntumma (Wënd na puus-a la A tilg-a, tilgr sēn waooge).

Rē loogr poore; Ad lislaoongā dīnā, a Mohammad (puusg la tilgr be a yīnga) sēn wa ne a soabā, yē n yud dīn rāmbā fāa ne pidbu la yudlem, la a leb n yud-b ne zēkr la waoore, la sid la hakuka a tigma yel wusg sēn be nēere, la pidbu la manegre la yolsgo la tēeg-turga la yam bedda, ti yaa bumb sēn maan kaset ti Wënd tara piddlem tekē la bāng yalango la buud minim, la leb n kōta kaset ne A nabiyaamā (puusg la tilgr be a yīnga) t'a sid yaa tēntum hakuka, n leb n yaa sid-togsda b sēn kōt sīda, n yaa ned ning sēn pa gomd a yōor yam-leoog ye (ad a sēn gomdā yaa waht sēn tums a nengē)¹ rī lislaoongā dīnā la daliil sēn yud vēenega, la kaset sēn yud vēeneg ne Wënd, t'A welga a yembre ne pidb sēn ta tek fāa, la A leb n maan A

¹.- Subrat Annagm, aaya a 4

nabiyaamā kaseto (puusg la tulgr be a yīnga) ne tēntuūmdmā la sīda.

La m tulsmā gomd-kāeesā pugē wā yaa sēn na vēneg būmb ning mam sēn mi teka, sēn tōe n vēneg dīin-kāngā sēn yaa zısgā nēermā yēga; ad maam, ba ti mam bāngrā la m minimā sā n yume n yaa koεεg wusgo n pa tōe n vēneg dīin-kāngā sēn tigmā sānda sēn yaa woorā la nēermā la pidbā, ti mam gomdā tuusg yaa valenga n pa tōe n vēneg-a mumdi ti pa gomd welsgo, la būmb ning b sēn pa tōe n paam-a zanga la b pa tōe n ta a tekā la a zu-raoogā; ru pa sōmbe ti ninsaal bas būmb ning a sēn mi a pugē wā ye, a sēn kong minin ne a fāa wā yīng ye, bala Wēnd pa rogend yōore rēnd a sēn tōe, (b'y zoe Wēnde, y pān-tōog teka)⁽²⁾, la rēnda yaa ti bāng-kāngā minimā pugē yōod wusg n be be.

● La Sēn yi yōod-kāeesa pugē: Yaa ti maan n meg soglg ne yel-kāngā yē la b sēn gomd yel ninsā fāa sēn yud zıstem la a leb n yud waoore, n leb n yaa tuum sōmbsā sēn yud sōmblema a yembre. Bala dīinā yel sōmbsā ne a nēermā bāngrā la pēesg a pugē wā, la tags a pugē wā, la sor fāa sēn tōe n tū n paam a bāngrā rikre, yē la soagl sēn yud sōmblem yamb sēn sogl a meng ne, la wakat ning fo sēn duk n kēes rē pugē wā, yē la wakat ning sēn na n naf foom, pa sēn na n yi sabab n nams foom ye.

² - Suurat Attagaabun: aaya 16

●-La sēn leb n yi yōod-kāeesā pugē: yaa ti nēemā wā bāngrā la nēema wā yel goma, Wēnd ne A tēntuvmā sagla rēnda; la yēnda me yaa tuvm sōmbsā sēn yud bedrema a yembre; la sik ka be ti pēesgo yel-kāngā pugē a yaa sak-m-zugē, la yēsgo, la tagsgo, A nēemā sēn yud wagallā pugē -A Naam yulg yā- a yembsā zugu . yēnda la lslaoongā diin ning Wēnd sēn pa reegd nīid ned ba a ye nēngē ti sā n pa yē. Tı yēs-kāngā yita bark puvsug ne Wēnde, n leb n bool nēemā wvsug n paasdē.

●-leb n yi yōod-kāeesā pugē, ti nebā pōsa taaba lumaoongā sūd-kūuna pugē, la a pidbā pugē, pōs-taab sēn yaa wvsugo, la yamb sēn wat n yud minim ne dīin-kāngā fāa la a leb n yud zısgı ne dīin-kāngā la a leb n yud su-noogo la kıdeng ne-a, yē soab lumaoong n yıt n yud ne pidbu la a loe-n-wāaka, n leb n yud ne sōmblem. Tı Bala a yaa daliil vēnega lumaoongā yēg fāa gill zugu, la a zēng raadā zugu.

●-Sēn leb n yi yōod-kāeesā pugē: Yaa Tı (Da'awa wā) bool-n-tog lslaoongā dīinā sēn yud bedrem yaa b sēn na n vēneg a sēn tıgm būmb nınsā sēn yaa neerā, nēerem ninga yam soab fāa, la rog-ne-yam ning sēn pa tedgā sēn sakda soaba; la ti roap sā n yik ne (Da'awa wā) bool-n-tog dīin-kānga, n welsda a hakuk rāmbā, la b vēnegd n wilgd bōn-nāandsā a nafa rāmba , rēnda na seke, sekre sēn pıdı sēn na tak nebā n kēes lslaoongā, ne b sēn nē a sēn zemsd ne dīinā la dūni wā yel-

manegdt wā; la sēn solgā la sēn vēngā fāa mangre, ti b pa baood n na loek sēn tōt b lislāngā yel-sigsā ye,, ma neb a taaba dīin rāmbā sābsgo, bala ti yē mēnga a tusda yel-gēdg buudā fāa sēn pa zemsd ne-a, ti bala a yaa sūd sēn tōk ne vēnegr sēn yud vēnega la daliil ramb nins sēn talld n taasd bāng-n-wāaka, Rēnd b sā n pārg n bas dīin-kāngā hakuk rāmbā sānda, a yita sabab sēn yud bedrem sēn na kit ti b sak-a la b yus-a dīin a taabā zugu. Leb-y bang-y yā ti lislaoongā dīina sōmblemā gūbgā zānga, a yela zāng fāa pugē, la a tagmas rāmbā fāa pugē, a yēgā la a wilā fāa pugē, la būmb ning a sēn wilgdā, sēn yaa Sārī wā bāngre la a buudā, la būmb ning a sēn wilgdā sēn yaa dūni wā bāngre la tigem-taabā. La raabā ka wā, pa sēn na gūbg-a zānga la pug-a a yembr-yembr ye, bala rē baooda goam wusgo, la a tulsmā yaa sēn na togs bilgr sānda sēn nafde, ti yēnda yaa daliili ne a taabā, n leb n yaa rag-noor ti b paktē ne ned ning sēn data n na n kē, la ad a yaa bilg ramb sēn sāeege dīinā yēga la a wilā pugē, la tūudmā ne tumd-ne-taara pugē. Ti d na n yeele, n kot sōngr ne Wēnd, n yōkd a sēega t'A kādeg-do la A wilg-do la A pak a kūunā la A waoogrā baowā n kō-do, bumb ning tōnd yelā sēn na maneg ne-a wā, ti d goamā la d tumā leb n tēeg turg ne-a.

Pipi bilg-n-taare

●-Lıslaoongã dīinã b me-a la sıd-kūuna yēg zugu, Wēnd sēn togs-b koεεga pvgē, A Naam zēk yā; (yeele, tōnd kōo sıd ne Wēnde, la bumb ning a sēn sik ti wa tōnd nēngē wā , la A sēn sik n tvg a [braahum nēngē wā, la a [smaa-[ıl, la a [shaak, la a Yaakuub la yagensāa, la bumb ning b sēn kō a Muusā wā, la a Yiisa, la bumb ning b sēn kō nabiyaam rambā gilli, sēn yi b Soabā nēngē wā, tōnd pa welg-b ne taab svk ba a yembre ye, tōnd leb n yaa sak-n-tū ramb ne-A)⁽³⁾.

●-Rēnd yēg-kāeesā sēn bedmā, Wēnd sēn sagl A yembsā ne-a wā, yē la yēg nins nabiyaam rambā la tēntvumbā sēn zems taab a zugā, la a gūbga bāngr sēn yud ne waoore, la loe-n-wāaka, sēn yaa sıd-kūuni ne bumbā fāa Wēnd sēn sıf A Mēngā ne-a wā, sēn tū ne A tēntvumbā zulma, la a lebg gūbg nidg pānga Wēnd yardā sor pogb pvgē.

●-Rēnd dīin yēgr sēn yaa kō-sıd ne Wēnde, t'a biisā yaa ti f tum bumb fāa Wēnd sēn nonge, la A yardē, la f maan pūpeelem rē pvgē ne Wēnde, rē yīnga wata ned yamē ti dīin n be be, sōmblem sēn yud-a la a leb n yud-a ne waoogre la yudlem?

³ --Subrat Al-bakara: aaya 136

●-La dīin sēn sagn sid-kūun ne būmb fāa b sēn kō nabiyaam rambā; la sid-kūun ne b sēn tum-b ne būmb ninga, reeg-m-zugē ne sid ning b sēn wā ne wā sēn yi b Soabā nēngē wā, la ra welg-b ne taab suk ye, ti bala b fāa yaa Wēnd tēntvumb sēn yaa sid ramba, la bas-m-yam ramba, la pu-peel neba , pa sakd yam pugē lae-lae ti tōdgdr maa zangr togl-a ye.

●-Bala a sagenda ne sid fāa, la a sakd sid buud fāa, la a vēnegd dīinā hakuk ramba sēn tik Wēnd wahu wā A sēn kō A tēntvumbā, la a leb n tūud ne yam ning sēn yaa rog-ne wā hakuk ramb sēn nafdā, la a pa lebsd sīda sēn wa n yaa a soab fāa, la a pa kōt zīrēnbeed sid me, zaalem me pa tōe rvug a zug ye, bala a wila dīin rambā fāa, a sagenda ne tvum- sōmbse la zug-wagla la yembsā yel-manesdi, la a kengdē ti b tēeg turga la b maan yudlem la yolsgo la sēn sōmbe, la a bugsd ne wēgdo la maan-n-zvuka la zug-wēense..pidb buud pa be nabiyaam rambā ne tēntvumbā sēn sake rēndame ti lslaoongā sak-a, la a tabl-a , la manegr yel pa be ti yaa dīin maa dūni Sārī rambā sēn bool n tug-a, rēndame t'a keng a zugu, la sāang buud pa yi rēndame t'a gıdg-a la a sagl ti b zāag-a.

●-La raabā Yaa ti dīin-kānga loesā, yaa bamb la sūyā yulgd ne, la a manegd yōyā, la b tvvısd ne-a zug-waglā ne tvum-sōmbsā.

Bilgr a yiib soaba

Lislaoongã Sãri rãmbã sên ya bedã lumaoongã loogr poorê: Yaa yals turg ne puusgo, la zak yãkre, la noloere, la lohoromã roog kaagre. Tags nêer n ges Sãrĩ-kãeesã sên zisã la a nafa bedã, la tuum ning a sên man ti yaa waagiba sên yaa kên-n-bao Wënd yardã, la dũni la laahr yel-sõmd paõngo.

●- La f tags nêer n ges, bũmb ning sên be puusgã pugẽ sên yaa pupeelem ne Wënd a yembre, la toglg zãng ne Wënde, la pëgre la kosgo, la gãneg-n-mënga, la leb n yaa lumaoongã tuga a yembre,t'a wõnda wala puug gesgo la a zãgsgo,. La sã n da pa puusgã yuleng yung la windgã yĩnga lumaoongã tug ra na kvĩ t'a raadã gõde, la ad a bitame la a palmsdẽ ne tũudm ramb nins sên be puusg n wã, la f ges bũmb ning puusgã sên tigmã sên yaa Wënd yvvrã tēegrã sên yud bũmb fãa wã, la a leb n gidgdame n yi yel-beedo la yel-kiti.

●-La f ges zakã buvdã, la bũmb ning sên be a pugẽ wã sên yaa togs-n-taare ne kõtã zvugdã, sên yaa kũuni la zãagre n yi b sên sãbs-b ramb zvugdã, la Wënd bark puusgo ne bũmb ning A sên maan ti yaa nēmã wã, la arzekã gũusgu sên yi yel sên sãamd sũuri, zem ti yaa vënega maa ya sên solge, la bũmb ning sên be a pugẽ sên yaa maan-nêer n tug bõ- naandsã, la tulsmã ramb sõngre la tulsem soab bõn-daab manegre. Bala be zaka puga sên yaa tulsem ramb la pakr ramb sõngre, la sõngr n leb n be a pugẽ ne gihaadt wã, la yel-manesds

bedā lislaoombā sēn pa tōe n maan sek-n-mēng n yi-a wā, leb n be a pvgē talsā la talemdā keelem saasgo, bas-n-yam n leb n be a pvgē ti Wēnd na n leds-a lame, la yel-sōmdā tēebo, la pulengā sidgre.

●-La be noloeerā pvgē, sēn yaa yōy wubri, sēn na yul la b bas b sēn yi n nongē la b minim a soaba, Wēnd nonglem yīnga, leb n yaa pēngr baoob ne-A, la yōyā minimsgu, la b wubri ne loe-n-wāaka sēn tar pānga, la sugri.

la leb n be a pvgē būmb ning sēn wat ne pvg-peelmā kengre, la Wēnd nonglemā sidgre, n yug a mēngā nonglem, rē n kut ti noloeerā yaa Wēnd a ye n so, Wēnd welg-a la toore ne a Mēngā tvvmā fāa svka.

●-La sā n yaa būmb ning sēn be Hagiimdā pvgē, sēn yaa arzēgs yākre, la naongā reegre, la wēeng sēn toē n paam nēda, la yel toodo, rē fāa yaa sēn na paam Wēnd yarda, la waoongo Wēnd nēngē, la pōomsgo Wēnd roogē wā; la A samandē wā, la Wēnd tūdem kōbg toor-toore Hagiimdā tvvmā zīisē, sēn yaa lensā Wēnd sēn maan n kō A yembsā, la A roogā sāabā, la bāmb ning sēn be a pvgē sēn yaa zısgre la gāneg-m-mēng sēn ta teka ne Wēnd, la tēegr sēn be be, sēn yaa nabiyaam rambā yela la tēntvuvmbā, la Wēnd sēn tūsb rambā, la lagm-n-ta basdbā, la lumaoong pāng paasg ne bamba, la b nonglemā tablg wvsgo, la būmb ning sēn be a pvgē sēn yaa bang-taaba mōeembā ne taab svka, la b noorā zems-taabā na paame, la b leb n zems

taaba b yel-manesds zugu, zem ti yaa sēn welg toore maa lɪslaambā fāa yvvr yīnga, d sēn pa tōe n sōd-a n sa, rēnda yaa dīinā yel-sōmbsā sēn yaa bedā a yembre, la yō-bed nins muumin rambā sēn paamdā a yembre. La wānde yaa nēkr la kvvg koεεga.

Bilgr a tāab soaba

●-Būmb ning Sārī wā Soab⁽⁴⁾ sēn sagl, la b keng a zuga, sēn yaa tilae ti b naag taabā la b zems taaba, la A sēn gɪdge la A bugs ti b zāag welg-taab la yōs-taaba, la yel wvsgo n be sēn yēg-kānga zugu sēn yi al Kur-Aanā la sunnā goama pvḡē. La sɪd la hakuka ned fāa sēn tar yam baa yaa bilfu, a mi yel-kāngā nafā wā, la būmb ning sēn be a pvḡē sēn manegd duni la Laahre la a sēn tusd yel wvsg sēn ya sāangā la sēn namsd ninsaala.

●-La leb n pa solgd yesa, ti ad pāng ning sēn tik sɪdā, yaa wānde la a yēgr ning a sēn gilgd a zugā; D leb n bāngme , lɪslaambā sēn da be būmb ning zugā, lɪslaoongā singr wakatē wā, b dīinā sēn da tēeg turga la b yelā sēn da yaa sōmā wā, la zɪslem ning ned sēn pa paam-a n zvvg bambā wā, bala b ra yumē n gād yēg-kāngā, n yās ne-a yalsg tekē; n tar bāng-n-wāaka, bāng-n-wāak tekē ti yaa bamb dīinā yōor kōbg la yē. wānde paasda vēnegre la vēnem:

⁴ - wēnd la a tēntuuma.

Bilgr a naas soaba

Ti lislaoongã dīindã yaa ninbāan-zoεeg dīini la bark la manegre, la a leb n keng ninsaal buudã nafgo. Rënd būmb ning dīin-kāngã sēn tigmã sēn yaa yolsgã, la tumd-n-taar sēn be nēerã, la bool-n-tug manegrã, la a gıgd būmb fãa sēn pa zemsd ne wã wã, yaa bōn-kāngã n maan-a t-a yaa nuura la vēenem ne be wēgdã ligsa suka, la maan-n-zvukã la tumd-n-ta wēengã suka, la lohorom rambã pārgã suka.

●-La yaa wānde la sēn tak neb nins sēn da yi n yaa dīinã beebã sūyã, taoor ti b na n pa bāng-a wã, hal ti b wa paam soolg ne a maas sēn waogã, la lislaoongã la sēn yols la zoe a tūudbã ninbāanegã, hal ti yolsgã la yaaf-taabã la manegrã fudgd n yit b sūy wã n kiigd b goamã la b tumã zugu n loog bamba n ti tāag lislaoongã beebã, hal ti b wa leb g n be a lal-ta-bedã pugē. Ti be b pugē sēn kē dīinã ne putēer sēn manege, la raab sēn tar pānga. la be b pugē, ned sēn gāneg a mēng ne-a, la a tall yamleoog ne a buudã, la a yus-a yē mēnga dīinã neb buudo, būmb ning sēn be a pugē sēn yaa tēg-turgã la yolsgã yīnga.

Bilgr a nu soaba

Lislaoongã dīina, yē la buud-minim dīini, la rogne dīini ; la yam dīini, la manegr la tulgr dīini.

●-Sên vënegd yëg-kâeesã: yaa bũmb ning a sên tigmi sên ya dīnã yëg-bvudã, la a wilã, bumb ning ninsaal rog-ne wã sên sakd-a wã, la yamã sên sakd-a wã, la a sakd n tũud-a sɪd la zemsg yīnga, la a sên be bũmb ning zugã sên yaa bvudã, la nakēndrã sên be nēerã, la a sên zemsd ne sên yaa zamaan ning fãa, la zīig ning fãa ; bala a kibayã zãnga yaa sɪd la hakuka, la bāngr sên deng taoor maa sên na na n wa pa wat ne bũmb sên yidgd-a maa yagsd ne-a ye, - la pvs n pa tõe n wa me ye- la ad bāng sɪdã gilli sōngd-a lame, la a kengd-a. la rēnda yaa daliil sên yud bedrem t'a yaa sɪda. la sɪd la hakuka bāng vēnega ramba sên yaa tēeg-turg rambã, b paama hakuka ti bāngr fãa sên nafde zem ti yaa dīin maa dũni bāngre , maa politika, mikdame ti AL Kvr-Aanã tees-a lame, teesg sik sên pa be a pugē. rēnd pa be lɪslaoongã Sãrĩ wã pugē bũmb ning sên pa kēed yam ye, la ad sên be be wã yaa bũmb yam sōmbsã sên maand kaseto t'a yaa sɪda la a tar nafa la manegre. La a saglsã ne a gidgrã me yaa woto, a fãa gill yaa tēeg-turga, wēgd ka a pugē ye, rēnda a pa sagl bũmbu, rēndame t'a yaa sōma zãnga, maa a sōmã wã n yuda, la a pa gidge, rēndame ti yaa bũmbu sên yaa sãang zãngã, ma yaa bũmb ning sãang sên yud a manegrã. La wakat ning fãa yam bedr soab sên wat n tags a bvudã n gese, a paasda sɪd kũun ne yëg-kãngã, la a len n bānge ti ad a yaa bũmb sên siki n yi Bvud-Minim naabã Nēngē, sên yaa Pēgr Naaba.

Bilgr a yoob soaba

Būmb ning dīin-kāngā sēn wa ne wā, sēn yaa zab n sōng dīinā, la sagl-taab ne manegrā, la gidg yel sēn kisā.

●-Ad zab n sōng dīin ning a sēn wa ne wā, rat n yeelame ti yaa sēn na tus dīina beebā wēengā n yi dīin-kāngā hake rambā zugu, la b sēn gidgda koe-moongā a boollā, La yēnda la zuhaadt wā kōbg toor-toorā sēn yud sōmblem. B pa rat ne-a yābeed maaneg ye, leb n pa tē yood ye, leb n pa f-mēng būmb raab yīnga ye. La ned ning sēn gesa yeg-kāngā daliil rambā, la nabiyaamā vumā (puusg la tulgr be a yīnga) ne a Sahaabsā kibaya, la b sēn da vune b beebā toto, a bāngdame ti sik ka be ti ad zuhaadt wā kēeda yel nins sēn yaa tlae wā pugē, la maan-n-zuug ramb maan-n-zuug gidre.

● -La yaa woto bala la sagl-taab ne manegrā, la yel-kiti wā gidgrā, wakat ning diin-kāngā sēn da pa tōe n tēeg turga, rēndame t'a nebā yals turga a yēgā la a Sarī wā zugu, la b tū a sagls nins sēn yaa manegr tekē wā, la b zāag a gidgr nins sēn yaa wēeng la sāangā. La a nebā yī sak-n-tū ramba ne yel-kāeesā, la sēn na yil ti sānda yōy sēn yaa wēg-n-mēng ramba ra faas n kō-ba, ti b tar sū-keglem ne yel-giti wā sānda maanego, la maan-n-koege būmb ning bamb sēn tōe wā, sēn yaa waagib

ramba, la rēnda ra pa toe n yi, rēnda ne saglle, la gidgre sēn zems ne yel fāa, rē kitame t'a yi n yaa dīina yel-sōmbsā sēn yaa bedā a yembre, la yel-bjed nins sēn yaa tilae ti b yik ne-a wā a yembre. Wala sēn be a pugē sēn yaa tvum-kega ramb tēesgo sē yi lihlaongā nebē wā, la b zuglgo la b gidgre n yi yel yaalse, la minms-ba yel tirse. La sā yaa bas-b ti b maan b yam raabā –ti bamb yaool n tabla b mēns ne-a, la b kē a buudā pugē, la b loe b mēns ne a Sārī ramba – rēnda yaa wēgb la namsgo sēn yud bedrem bamb mēnsā zugu, la ninbuiidā zugu, sēn tog n yuda hake ramb nins sēn yaa waagibā, ti b baood-a Sārī pugē la yam la rog-n-miki pugē.

Bilgr a yopoe soaba

La būmb ning Sārī wā sēn wa ne wā, sēn yi a sēn maan ti koosmā sakdē wā, la luwaase, la lagm-taab-n-tum la tvmd-n-taar kōbg toor-toore, la tek-taab sēn be nebā ne taab suka, teedā pugē, la sama la nafa teedā, la zēng sēn pa rēnda, rēnd sid la hakuka Sārī ning sēn pidā waame n na n maan kōb-kāngā ti yaa halaale, la a bas-a ne yembsā a sēn tigm manegr yelā yīnga, yel nins sēn yaa tilae wā pugē, la tvlsmā yel pusē, la bāgbā yela pugē, la a bas vūigo n kō yembsā ti b yelā la b alhaal rambā paam manegr ne rē, ti b vūumā paam yālsq zīiga. La Sārī wā maana sart ti yel-kāeesā na yi halaalā yaa neb a yiibā sēn na n yarē, la mi-tiiri sēn na n zīnd zems-taabā pugē, la b bānge būmb ning sēn zems-

taab a zugã, la zems-n-taarã bũmb bãngre, la sart ramb nins sãn be a pugẽ wã bãngre, la a gıdg bũmb fãa nãng sãn be a pugẽ, la wẽgdo, sãn yaa tentæg buud fãa, la Rıbaaga, la liib-libbi. Rẽnd ned ning sãn tagsa n ges Lıslaoongã tumd-n-taarã pugẽ, a yãta a sãn tar tũkrã ne laahr la duni manegrã ; la a maan kaset ne Wẽnde t'a yolsgã yalmame, t'A Bıvdã minimã me yaa sãn pidi, bala A kũ A yembsã sore (A Naam yılg yã)ne bũn yılmã fãa gilli, sãn yaa baoobo la rubo la bũn yũudi, la yũod baoob soeya, sãn yũgnege, n leb n bu n manege.

Bilgr a nii soaba

Bumb ning Sãrĩ wã sãn wa ne wã sãn yaa kũ sor ne bon yılma sãn yaa rıbdo la bon yũudem la bũn yerdı la fur loeebo la zẽng sãn pa rẽnda.

●-Rẽnd bumb sãn yaa yılgemde n tar nafa fãa, Sãrĩ wã Soab kũ-a la sore, sãn yaa bũn beel kũbg toor-toore, la ti-biisi la koomẽ rũmsã gill nemdo la yung rũmıdsã la A pa gıdg wãndı pugẽ sã n sãn yaa yel beed buudã fãa sãn namsd dıınã maa yamã maa yınga maa arzeka. La bumb ning a sãn kũ sora, ad rẽnda yaa sãn yi a manegrẽ wã (A Naam yılg yã) la A diinã sũmblem. La a sãn yılg bumb ninga ad rẽnda yaa sãn a manegrẽ wã bala A gıdg-b lame bumb ning sãn na nams-ba leb n yaa sãn yi A dıınã nẽeremẽ wã, bala sãn be nẽerã yaa sãn tũud ne yam sũngo –bedre- la sãn na manege la bumb ning sãn namdã gũusgu.

●-La yaa woto bala, bumb ning A sēn kō sorā, sēn yaa furā, la yamb sēn tōe n fur a sēn nong pagbē wā yibu maa tāabo maa naase la bumb ning sēn be rē pugē n yaa manegre ne neb a yibā, n tusd toogo n yi neb a yibā. La a pa kō yamb sore t'a tōe n tigm n yud burkimd paogs a naas ye, wēgd ēn tōe n zīnd rē pugē wā yīnga la tēeg-turg basbo n lagm ne a sēn keng-a wakat ning a sēn wat n yaesd wēgdo la a pa na n tōog n yānes ne Wēnd todsā, yi-kāadmā pugē t'a tek pag a yembr, sēn na yl t'a paam būmb raab-kāngā;

●-Wala furā me leb n yaa neema bedre, n leb yaa yel nins sēn yaa pakrā, rēnd furā kaoob kō sorā yaa b yaesd ninsaal sēn na n wa vut ne ned ning ēn pa to ne-a la pa zemsd-a, ti yaa tla ne-a t'a pa alhaal kegengā pugē la keelmā pugē. (la b yibā sā n welg taaba Wēnd na sek ned fāa ne A yudlem)⁽⁵⁾

Bilgr a wae soaba

Sārī ning Wēnd sēn maane la A tēntvumā bumb naandsā ne taab zuka sēn yaa hake ramb nins sēn yaa manegre la sōma la maan-nēere la tēeg-turga la sud buudo la wēgd basgo. La rēnda yaa wa hake rmb nins a sēn maan-a t'a yaa tlae wā, la a maan roagdb a yib yīnga la koamba la rog-pētse la yagse la tūud-n-taase la tumd-n-taase la yikāadb a yib yembr fāa a to zugu. La a fāa gill yaa hake ramba sēn yaa tlae la sēn pidsdi, ti

⁵ -Sūrat Annisaa: aayar 130.

ninsaal rog-ne wã la yam yulma ne-a t'a be nēere, ti gēdg-n-taar pidsd ne rē, ti mamsg teedo la nafa teksd a pugē n zems ne hake wã soaba alhaale la a dargε wã, la fo sēn tags a pugē fãa, fo yēta soamã bud fãa a pugē la wēng yēesg la f leb n yē a pugē nafa ramb sēn gūbd nebã fãa la sēn welg toore la mimingo la vum-n-taare sēn pidi, ti yaa bumb sēn kōt-foo kaseto ti ad Sārī-kāngã seka a na maan zunoogo zaks a yiibã pugē. la fo ne hake kãeesã a pugē t'a sakd ne zamaanã la zīsã la alhaal rambã la rog-n-miks wvsg fãa, f leb n mikdalame ti manegr yel be a pugē, sōng-n-taar sēn pid be-a pugē diinã yel pugē la dūni t'a yaa sēn kēd yamē n yikd beem la gēega. La gomd-bi-kãeesã, f bāngd-a lame ne pugbo la f na n tū-a a yēgē wã la a zīsē wã.

Bilgr piig soaba

Sārī wã sēn wa ne bumb ninga sēn yaa arzekã toengo la bumb ning b sēn bas kūumã poorē wã, la arzekã sēn put fa-rikdbã to-to ninga, la sūd la hakuka A teesame (A Naam zēk yã) n tvg yel-kangã vōorã, ne A sēn yeele: (yāmb pa mi bambã pugē, sēn pē-a n yud yāmb ne nafa ye)⁶ ti Wēnd rıgl-a A toore n zems ne A sēn mi wã, sēn pē-a ne nafa n yuda la bumb ning yamb sēn nonga naoor wvsgo, t'a arzekã ta-a wã, la bumb ning sēn sōmb ne a manegre la a yudlem n tōneg rēnda, tūnegr ning yam sōmbsã sēn maan kaset t'a be nēerã, la yellã b sã n rag n rik-a n bas ne nebã tagsgo la b

⁶ -Sūrat Annisaa, aayar 11

yamleodo la b raabã, la ti sãanga la yaare la yãk wẽnga sãn rat n yi wa yaare na zĩndẽ yẽ a pugẽ.

●-Sãrĩ wã Soab maana yamba t'a tõe n bas sagelle manegr wẽngẽ la Wẽnd zoεega sãn yi a ligdẽ wã, gomd ning sãn na naf-a laahrã la A za rẽnda ne arzekã sãn pvi taabo n yãk yembr (1/3) maa sãn paood n pa ta rẽ n kõ sãn pa rikda faadã, sãn na yul ti Wẽnd sãn maan yel-ninsã ti nebã yãs ne-a wã ra wa lebg reem zĩiga ti yam koesa la dīin koesã ramb reem ne-a, b sãn wat n yit duni wã, sã n yaa alhaal ninga b yĩnsã sãn wat n tar laaft wã la b tar yama, rẽnd bumb ning b sãn yaεsdã sãn yaa telem la petã gidg-b la naoor wvsg ti b pa tõe n kees b arzekã sãn na nams-ba pugẽ ye,

Bilgr piig la a yembr soaba

Lislaongã Sãrĩ wã sãn wa ne bumb ningã sãn yaa hadd rambã, la a sãn yaa kōbg toor-toorã sãn zemsd ne beegr buud fãa.

●-La wãnde yaa ti yel beedã maanego la maan-n-zvug Wẽnd hake wã zugu la A yembsã hake ramba, yaa wẽgd ramb nins sãn sãam nao-kẽndrã bedr a yembre, ti dīinã ne duni wã saamd a pugẽ. rẽ n kit ti Sãrĩ wã Soaba rıglg hadd ramba tvvmd beedã la maan-n-zvugã yinga hadd ramb sãn gidgde t'a a leb n lvi a pugẽ la a boogd a pãnga, hadd ramb sẽnya kvvbo la kursgo la pãbre la bugsgã kōbg toor toore. La b fãa gillã, nafã n be a pugẽ maa yela sãn manegd nin yende

la nebā fāa,bumb ning yam soab sēn bāngd Sārī wā sōmblem ne-a wā la a leb n bāng ti yel wēensā pa tōe n zab ne-a la b tus-a tusb sēn pidi sā n ka ne Sārī wā hadd ramb nins Sārī wā Soab sēn tūneg-a wā, sēn zemsd ne tūmd beedā a paodlem la a waoglem la keelem la valms.

Bilgr piig la a yiib soaba

Būmb ning Sārī wā sēn wa ne wā , sēn yaa sagelle ti b gıdg ninsaala t'a pa tōe n maan a sēn dat a soab a arzekā pugē ye, ti sā mik t'a tūmdā na n nams-a lame maa na n namsa nin zēnga. La rēnda yaa wala gāeeng gıdgre, la bi-bilfu, la yalma, la sēn wōnd bamba, la sam-dita gıdgre ne t'a ra sāama arwekā a samā ramb manegr yīnga.

●- La wānde fāa yaa Sārī wā yel-sōma, ne a sēn gıdg ninsaala t'a pa tōe n maan a sēn date a arzek ning pugā yē sēn rag tar maan-n-raab teka a pugē. La wakat ninga a raaba maanegā, a sāangā sēn yud a nafā wā, t'a wēnga yud a somā wā, Sārī wā Soab gıdg-a lame t'a pa tōe n maan a sen rate a nafa yel baoob pugē ye, la sēn na yul n kāndag yembsā ti b zoe n bao maaneg tūmd gill fāa sēn nafde, ti sāang ka a pugē ye.

Bilgr piig la a tāab soaba

Sārī wā sēn wa ne būmb ninga, ne a sēn kō sor ne seb-gulsgo, hake rambā ramb sēn tōe n tiki ti wilg ti yaa bāmb hake ramba.

●- La rēnda yaa wa kaset ramb nins, b sēn tare n pidsd hake ramba la gidgd yōs-taaba, la a yēesd sika, wala gāneg būmb ned nēngē, la būmb sēn be f zugē ti f sōmb n yao, la reeg ned a to hake n yao, t'a sã n pa tōog n na n deeg a hake wã ned ning hake wã sēn be a soab zugã nengē, hake wã soab lebgdame n tug kaset ning pugē, a sēn na n deeg a hake wã a pugē wã. La būmb ning sēn be wānde fãa pugē sēn yaa nafa wusgã pa solg ned ba a yembr ye, la hake rambã gūusgu la tumd-n-taarã sor yalgre, la hake rambã lebsgo tēeg-turg, la yelã manesgo, la tumd-n-taarã tēeg turga. La sã n dag n pa kaset sebã yīnga, tumd-n-taarã wusg ra na n yalsame, rēnda tara nafa ne ned ning sēn baood a kasetã maanegã, n leb n nafd ned ning hake wã sēn be a soab zugã, nems kōbg toor-toore b sēn mi.

Bilgr biig la a naas soaba

Būmb ning Sārī wã Soab sēn keng a zugã, sēn yaa maan-nēerã, a soabã sēn paamd keoore Wēnd nēngē, la maan neer nebã nēngē, rē poorē t'a ligdã mēng leb n wa a nēngē, maa ligdã buudu, ti yōod-kāngã buudã yi n yaa paoong sēn yud bedrem, ti wēng buud pa paamd a soabã ye, la rēnda yaa wala pengre, la gānegre, la sēn wōnd b yiibã.bala be rē pugē sēn yaa nafã ramba, la tulsem pidsgu, la zuloes welgre, la neema paoongo, la maan-neere sēn pa tōe n sōd n sa, la a soaba ligd lebg n wa a nēngē t'a yaa sēn paam yel-sōmd Wēnd nēngē, ne

keoor sēn bedme, la a leb bōe a mabiiga nēngē manegr la sēn be nēere, n lagm ne būmb ning sēn tūud rē sēn yaa neema, la barka, la yāog yalgre, la miningu la nong-taab paoongo. La sã n yaa ne maan-nēer ning sēn yaa Wēnd yīnga soaba, sēn kōt zaalemã, t'a pa lebgdē n le wa a nēngē wã, d ra reng n goma rē, ti reng taore zakã yãkrē la sãrã wã maanego zīgē.

Bilgr piig la a nu soaba

Yēg la zeng-raad ninsi Sãrĩ wã Soab sēn maan-b ti b yaa tuure ne zaba paasgo, la yelã yodgre, la yus tak-n-taar ramba a yiibã yembre a to wã zugu. A yaa yēg sēn mē sid la vēenem zugu, la rog-n-mik wusgre, la sēn zemsd ne rog-ne, bala a maaname ti ned fãa sēn yeel n dogl a menga būmbu, maa a bao n na sooga hake ninga, t'a wa veenem, rēnda a sã n wã ne kasetã ning sēn wilhd yē gomdã, la a kōta pãnga, rēnd ã soogda hake ning a sēn bao wã, la wakat ninga a sēn pa wa ne kaset, rēnda a sēn yēgm ti hake wã yaa yē n so, a sēn baood hake wã ned ning nēngē wã wēendame tupa sid ye, ti hake pa pa a ye.

●- La Sãrĩ wã Soab leb n maana vēenemã baoobã n zems ne yelã alkadre, la A leb n maan yel nins sēn tōe n wilg ti yaa daliilã, la nebã sēn minim būmb ning wusg-wusgã bamb ne taab svka, ti yaa kaset ramba. Rēnd kaseto yaa yuur sēn gūbg bumb fãa sēn vēnegd sıda la a wilgd a zīgã. La Sãrĩ wã leb n maana gēdeg sēn wat n be be, zabd-n-taasã a yiibã buum zems

taaba, ti b tuk manegr sore sēn tēeg turga n zemsd ne yel fāa, ti rēnda yaa sore sēn yodgd yelā, la paasd yōs-taabā. Rēnd sor fāa wēgd sēn ka a pugē, la a pa kēesd yembsā Wēnd-kusg pugē, la a nafd-ba, rēnda a keng-a lame, ti sã n mikame ti yaa sore sēn na saas zaba, la a wāag tak-n-taarā. La a maana yel-kāngā pugē ti pāng soaba, la nin-valengā, la naab la talga, b fāa yaa a yembre, hake rambā fāa pugē. la a maan ti zab-n-taasā yar, ne sēn dik tēeg turg sore, la b pa maan n zuvge ye.

Bilgr piig la a yoob soaba

Bumb ning Sārī wā sēn wa ne wā, sēn yaa a sēn sagl ti b maan saawarā, la a pēg sid-kōtbā, ti ad b dīinā la b duni wā yel fāa, pugē la yung yela fāa, yaa saawar bamb ne taab suka.

●-La yēg kēeng kāngā, yama ramb tigma taaba, t'a bee nēere, la yē me la sabab yeng tāa sēn tōe n dik yelā sēn yud sōmblem, la soe sēn yud sōmblem, sēn na paam raabo la sida, la sidā soe tūubu, la ad zēkdame n yud sōmblem ne zamā nins sēn tum ne-a wā, ti b tōe n paam sōmā la manegr buud fāa. La nebā bāngr sēn paas fāa ti b tagsā yalge, b bāngda tuls kegeng ning sēn be ne yel-kāngā, la a alkadrā. La lislambā sēn ra yi n tumd ne yēg-kāngā wā, lislaoongā sungr wakatā, b dīinā la d duni wā yel pugē wā, yelā ra yumē n tēeg turga, ti b alhaalā yaa sēn be zēkr la paasg puga, la b sēn wa n kedg n yi yēg-kāngā zugā, b pa bak n be lvus pugē ye, b dīinē wā, la b dunī n wā, hal ti b alhaalā wa tvg n

lebg wa fo sēn nē wā, la la ti b sã n lebg n ges b dīnã yēg-kāngã pvgē la zēng sēn pa yē, b na paam pōs la b tilge.

Bilgr piig la a yopoe soaba

Yaa ti Sārī-kāngã, a waame n na maneg diina la duni, la a leb n tigm sēn manegd yōorã la yīngã, la yēg-kāngã be wusgo Kvr-aanã la sunnã⁷ pvgē, Wēnd la A tēntumã kengdame ti b yik ne yel a yiibã la b yiibã a yembr fãa paasda a to wã la a sōngd-a, la Wēnde (A Naam zēk yã) A naana bōn-naandsã b na tū-A yīnga, la b yik n yānes ne-A hake rambã, la A kiig ritla b zugu, la A maan ritla sabab kōbg toor-toor n kō-ba, la vumã soyã, sēn na yul ti b sōng b mēns ne rēnda A tūudmã zugu, la sēn na yī ti rē yī sōngre, b pvgē la b yunga. La a pa sagl ti b rilg yōorã a yembre, la b yīm yīngã yel ye, wala A sēn leb n gidg ti b ra maan soagl ne wum-noodã la yam-leedã, la saglame ti b kō yōrã sēn manegd sūurã ne yōorã pānga⁽⁸⁾. La wānde vēnegdame yēgr a to pvgē, la rē me la wã:

Bilgr piig la nii soaba

Ti Sārī wã maana bāngrã la dīnã la naamã la buvdã ti yaa yel sēn lokd taaba n sōnged taaba.

⁷ - nabiyaam goma.

⁸ -woto fãa bee yēgrē wã, la sēn yaa sīda, yaa b sēn na n tum ti raab nins sēn yaa sōmã wã tall pānga

●-Rënd bāngrā la dīnā n remsd naamā yāabo, tu naama pāngā la buvdā mēt a zugu, la soolmā fāa gilli, a zaa ne bāngr la dīn, sēn yaa buvd minimā, la rē me la sor turga, yē leb n yaa manegre , la pūr paoongo, la pōsga, la zīg ning fāa dīnā la naamā sēn tōk taaba n sōnged taaba, f mikdame tu yelā manegdame tu alhaal rambā tēeg turga, la zīg ning b sēn wat n welg b yiibā ne taaba , yelā sāmndame, tu manegr konge, tu yōs-taab zīndi, tu sūyā zāag taaba, tu nebā yel rik lvus sore. Kenda wānde: tu ad bāngrā a sēn yalg tek fāa, la minimā kōbg toor-toor sēn wvsg fāa, la te-paala yiisg sēn yī bedr la wvsg fāa, rēnd būmb ba a fvī pa wa a pugē, n lebsd būmb ning Kur-aanā sēn wilga ye, la a pa yidgd būmb ning Sārī wā sēn wa ne wā ye.

Rēnd Sārī pa wat ne būmb ning sēn pa tōe n sak yam pugē ye, la ad a wata ne būmb ning yam-sōmsā sēn maan kaset ne a sōmblemā, maa būmb ning yam sēn pa tar sor n tōe n bānga zem tu yaa mundi maa ne welsgo. La wānde sōmb n yī bilgr a to. La rēnda la :

Bilgr piig la a wae soaba

Yaa tu Sārī wā pa wat ne būmb ning sēn pa sakd yam pugē ye, pa būmb ning me bāng-sida sēn yidgd-a ye. La wānde yaa daliil sēn yud ramb sēn yud bedrema yembre, sēn wilgd tu ad būmb ning sēn be Wēnd nēngē wā, yaa sēn bv n manege n tablege , n sakd ne zamaan la zīg fāa.

●-La gomd koe kãeesã, b bãngda a welsgã, ne tũnegr la pugbo yel nins sãn yt duni wã pugẽ wã, la vuums-n-taarã bãngrã la rik rẽ n make –ti sã n mikame ti yaa hakuk ramb sãn yaa sıda- ne bumb Sãrĩ wã sãn wa ne wã, sãn tũ ne rẽ, f mikdame t'a yaa vënegre ne bũmbã fãa, la ad a pqs basd sãn paood maa sãn bedme rëndame t' a tigm-a lame.

Bilgr pisi soaba

Gesg sãn yaa gũbgi lislaoongã tẽmsã Pagsgã pugẽ, sãn yaa pagsg sãn yalme, sãn pa wõnd a taaba, rẽ poorẽ t'a kell n pa, n tar waoore, ne beebã sãn tigm taab a yĩngã fãa, la zab kegengsã ne lislaoongã , la b tõndrã ne-a sãn yaa bũmb sãn pa solgã.

●-La rẽnda yaa ti ned ning sãn gesa dñin-kãngã yẽgrã, yaa wãn-wãn to la a tõog n zems laarb rambã bayirã tẽng-laag ramb ne taaba, ne b sũyã sãn welg taabã fãa, la b beemã la b beegrã waooglemã, la toto ning a saen zems-b ne taaba, la toto ning a tigm sãn zãaga soaba ne sãn pẽ a soaba, la a yëes beem kãeesã, n lebs lumaoongã mabiiri a zĩgẽ wã, rẽ poorẽ ti b sãeege, tẽngã veen-vusã, n pagsd-b tẽng-tẽnga, la sãn be tẽng-kãeesã zuraogo, yaa Faaris, la Rom nebã, zamã sãn da yud ne pãnga, la b naam yud zıslam, ti b pãng yud keelem, ti b sõor la b teedo yud waooglem, ti b pak b yiibã la tẽms nins sãn be b yiibã poorẽ wã, b

dīnā yīngā, la b kō-sida pāng yīngā, la Wēnd sōngrā la A teelgā ne bamba hal ti lislaoongā ta tēngā wīndig sēn pukdē la a sēn lutē, ti wānde lebg n yaa b sēn sōtā, sēn yi Wēnd yel-soalmā pugē, la A dīnā daliil ramba pugē, la A nabiyaama yel-soalma pugē, la sēn tū ne wā, la bōn-naandsā kē a pugē zama-zama, ne minim la yīng-yognego,ti pa tū ne mōdgre la namsg ye.

●-Rēnd ned ning sēn gesa ges sēn gubgi n tvg yel-kāngā, a bāngdame ti ad wānde la sid ninga, zilenn-beed sēn pa tōe n yals a taoore, a pāngā sēn yaa a soab fāa, la a zābgā-kegengā sēn tar pāng ning fāa. La wāndi bāngda ne yam lemse, la tēeg tir soab pa maand sik a pugē ye, la yēnda yaa yel nins sēn yaa tilae wā pugē, ti yōsg ne zamaan-kāngā seb guldbā sānda, ramb nins tags yood sēn tall-ba n tvg n tāag lislaoongā beeb sōngr, ti b yage ti ad lislaoongā sāeegrā la a tēmsā pagsg sēn pa tar bilgrā, yaa duni yel baoob yīng bala. B yā-a la woto ne bamb yēgeng ning sēn yaa tuudgā. La b gomd-kāngā tika Akaastrā la Ruumaan tēnga valmsgo, la duni wā pāng laarb rambā nēngē . la tags wande pug teka seka a gomdā lubri, yaa bōe pang n be laarb rāmbē wā, n tōe n kit b teeg tēm-baoonegā sēn yaa tēng-bil ning fāa wakat kānga? Ti b pa gomd tēm-bed-bedā, ti pa gom teebo ne zama ning sēn yud bedrem wakat-kānga, zīisā fāa pugē, la sēn yuda pānga la sōor la zab teed sēn yuda, wānde fāa yaa sēn lagm taaba zīig pugē, hal ti b pārs-b fāa, pārsgr tekē, la b lebs na-bed-kāneesā buvdā zīigē Kuraanā buvdo, la dīin sēn tēeg

tirga, buvd ning pupeel fãa sên rat sıda sên sakd-a la a reegd-a ne sakre. La rē yīnga d tōe dika pak-kāngā sên sãeegā t'a weeng-vuusā yalmē wā, ti yaa laarb rambā sên pōs dūni wā yelā a ye-ye pugē wā yīnga? La ad ned ning sên gomda woto wā yaa sên rat n zang lıslaoongā dīini, maa ned ning bæebā goam sên duvg a soaba t'a pa mi yelā hakuk ye.

●-Rē poorē dīin-kāngā sên kell n pa, ne yelā sên tong taabā fãa, la bæebā sū-taabā , n dat n na n yēes-a la b sãam-a fastı, yaa sên yi dīin-kāngā yel-soalmē wā, la wilgdame t'a yaa Wënd dīin sên yaa sıda, la ad pāng sên sekd sã n sōng-a n tısd bæegdbā beem n yi-a, la kedgbā kedgrā, dīin kō n pa tēng gāngā zugu n zıvg yē ye, la bōn-naandsā na ræg-a ti pa tū ne mōdgre maa pakre ye, bala a yaa sıd diina, la rog-ne dīina, la manger dīina, la ad-a nebā maan-n-kuvgā, la b valengā, la b weel-taabā, la b bæebā sên tōgd-ba, rēnda n yt sabab n yānes a kēndā, rēnd Wënd na sōng-do, ti bala pāng la sên na n maaneg ka be sã n pa ne Wēnde.

Bilgr pisi la yembr soaba

Sên tıgm tōnd sên gom ti loogā fãa.

Lıslaoongā dīiã, b mēela loe-n waag sên maneg zugu, sên tar nafa, la zog-wagell zugu, sên wubd yōy la yam la tuumd sên manegd yela zugu, la daliil vēenes zugu, a yēgē wā la a wuilē wā, la rıbs basbo, la bobl-n-mēng ne bōn-naandsā sên yaa roap la pagb basgo, la b yılg

diinā Wënd a Yembr yīnga, sēn yaa bōn-naandsā Naandā, la b bas rog-n-mik yelyoodā, la yel-yaalse sēn pa zemsd ne ned sēn nē vēenega, la yamā sēn yaa yel sēn yirbd tagsā, a leb n mē manger zāng zugu, la wēng la sāang fāa tusbu, la sīd zugu, la wēgd zēkre, sēn tōe tek fāa, a leb n kengdame ti b bao paasga ne yel-lokdsā kōbg toor-toore.

●- La gomd kāeesā welsg wogendame, la ned fāa sēn tar bāngr bilfu a yāta sor n tvug a welsgē wā, vēnegr la vēenem wēengē, sik sēn ka a pvugē. la m na n kuvga koεga gomd-kāngā zugu, ne a sēn yaa koεgā fāa, ti bala a le tigma yēga, la zeng-raado ti b bānged ne-ba, būmb ning lıslaoongā sēn tare, sēn yaa pidbā, la zıslēmā, la mangerā sīd-sıda ne bumbā fāa. La segl song be ne Wēnde.

Sebrā gulsgā saame ; La Wënd na pvvs a Mohammad
la A tulg-a ne a zak ramba.

Yaa sēn tū ne a gulıda Abdu Rahmaan bun Naasır
Ast'di kaal mōogo.

Sebrã Buka



Sebrã nengã	Gom-zugã	
5	Pipi Bilgr soaba: Súd-kũuni	
7	Bilgr a yiib soaba: Lihlaangã zēng-raado	
9	Bilgr a tãab soaba: Tigm tab la zems taaba	
10	Bilgr nãa soaba: Yolsg la bark la mangre	
10	Bilgr a nu soaba: Bũud minim la rog ne.	
12	Bilgr a yoob soaba: Zab n song diin	
13	Bilgr a yopoe soaba: Koosm	
14	Bilgr a nii soaba: Rı yulma	
15	Bilgr a wae soaba: hake Ramba	
16	Bilgr piig soaba: faad Rıkre	
17	Bilgr a piig la a yembr soaba: Subgr bũudo	
18	Bilgr a piig la a yiib soaba: Raab gıgre	
18	Bilgr a piig la a tãab soaba: Zems-n-taar gulgo	
19	Bilgr a piig la a naas soaba: Naneg n tug nebã	
20	Bilgr a piig la a nu soaba: Zabr paasgo	
21	Bilgr a piig la a yoob soaba: Saawar	
22	Bilgr a piig la a yopoe soaba: Mangre	
22	Bilgr a piig la nii soaba : Bãngr, la diin, la naam teel-taaba	
23	Bilgr a piig la a wae soaba: Sēn sad ne yam	
24	Bilgr a pisi soaba: Tēmsã pakre	
26	Bilgr a pisi la a yembr soaba : Sēn tigm sēn loogã fãa	

